

بزم ایچون نهلر دینیور ۱

مسلکمری تعیناً نسخه اولامزه درج ایلدیکمز افادهده سویلدیکمز کچی قارئلرمزی اکثریا قاریشیق، فائدهسی مفقود ویا قلیل ودائماً بر نهایت منطقیه منتهی اولماز مقالات ایله اتعاب ایتمک و زمانک غایه الغایه کسب قیمت ایلدیکی شو صروده اضاعه اوقاته سبب اولماق عزم قویسند بولندیغمز ایچون داخلی وخارجی اجمال احوالرمزی ممکن اولدینی مرتبه اعتنا ایله یازمغه باشلا دیغمز مثللو بو نسخه مزدن اعتباراً «بزم ایچون نهلر دینیور» سرنامہسی آلتندہ اوروپا و آمریکا مشاہیر سیاسیون و محررینک بالخاصہ رسائل موقوتہده بزلر ایچون یازدقلرندن بحث ایدہ جکمز. شو اباحت اجمال احوال خارجیمزک تمات مهمہ سندن اولہ جقدر.

اجنبی یومی غزلہ رده انتشار ایدن مقالات علی الاکثر سلامت وصحت تفکرله قلمہ آلنہ مدینی وعجلہ ایشہ شیطان قاریشیر اولمقلہ برابر بو حال زمانمز غزته جیلکنک ضروریاتسندن اولدینی جہتلہ بز جراند اجنبیہ یومیہ یی براقوب — ذاتاً بونلرک محتویاتی یومی غزلہ رده مزده موضوع بحث اولیور — مندرجاتی دوشونہ طاشینہ وجودہ کلن وصحائفی الک نامدار ارباب فکر و قلمہ کشاده اولان مجموعہ لرده کوردکلمزی ترجمہ ایدہ جکمز. لہمزده اولسون علیہمزده اولسون فقط اہمیتلی نہ او قورسہق خلاصہ الخلاصہ سنی بیلدیرہ جکمز تاکہ «بزم ایچون نهلر دینیور»، استشارہ فارلری خبردار اولسونلر.

ہرہانکی بر بحثک تنقیدینہ کلنجه بونی لزوم وفائده کوردکجه اجمال احوال خارجی محرری ایفا ایدہ جکمز.

مشاہیر محرریندن وسرافرازان صلح پروراندن «ویلیہم ستہد» ک لوندرہده نشر ایلدیکی «رہ وییو اوف رہ وییوز» مجموعہ شہریہ سنک ایلولہ مخصوص اولان نسخہ سنہ ترکرہ دائر درج ایلدیکی فقراندن شونلرک زیادہ جالب دقت در: «انقلاب عثمانی جہان حیرتہ تلقی ایلدی. کنج ترکرہ ترتب ایدن

وظائف يك چوقدر. استانبولده تعطیل أشغاللر وقوع بولدی؛ بر حریق عظیم
یتیمش بيك کشتی بی مسکنسز براقدی؛ امور اداره باشند باشه محتاج اصلاحدر.
بونکله برابر مظفریت، مظفرینه صرف داخل اولان بر وظیفه دهها تخطر
ایتدردی که اوده ایرانده مشروطیت طرفدارانی شاهه قارشو مدافعه وقامعهده
اداره مشروطه ایستیان مصریلری تشویق و تشجیع در. خارجیه ناظری
سیر «ادوارد غرهی» نفوذ مغربیسی آرتان خلافت اسلامییه جانبدن تضییقه
اوغرامهدن اول مصریونک مطالب معتدلهسی اسعاف ایتک کرکدر.

«شمعیک حلاله کنج ترکار ایکی تهلهک مواجهه سنده بولنیورلر. بولردن
برنجیسی پارهیه و ایکنجیسی عقل سلیمه اولان احتیاجدر. پاره بولنه بیلیر،
فقط عقل سلیم چارسوده بازارده ممکن الاشترا بر متاع دکدر. اگر کنج ترکار
غالیث نوبتی ایچنده — اسان عثمانی قولانیان مکتبلرجه اسان مذکوری مجبوری
الاستعمال قیلمق کبی — استاتوقونی ملل عیسویهک حقوق و امتیازاتی رفع
ویا تغییر و تحمید ایدجک صورتده دیکشدرمهک تصدی ایلیهک اولورلرسه
آسایش داخلی اخلاله بوندن مؤثر سبب اوله ماز. کذلک ماکدونیا بی اورویا
قونطورولندن تخلیص ایتش اولمقله قناعت ایتیه رک بوسنه و هر سک مسألهسی
چیقاره جق اولورلرسه قان دو کولمکسزین وجوده کلن انقلابی غایت خونریز
بر حرب تعقیب ایلیه جکنی کشف و استدلال ایتک متعسر دکدر. حال و موقع
او قدر مشکلدرکه اورویا خارجیه ناظرلری باش باشه و یروب شرق ایچون
وقت و زمانیه مشترک بر خط حرکت سیاسی اتخاذی امرنده موافقت حصولی
ممکن اولوب اولمادیغنی تحقق ایتدیرملری مناسب کورونیور.»

موسیو «لهئون ژاق بلوق»، «نووهل رهوو» نک پارسده افرنجی آغستوسک
برنده نشر اولنان نسخه سنه یازدیغنی مقاله ده کنج ترکارک اجراءات واقعه سنه
ممالک عثمانیه نک یکیدن تشکیل اداره سنه متوجه بر تشبث احتیالی نظریله باقیور.
ودیورکه: «شرق مسأله» ابدیه سی انکلتزه دن ویا روسیه دن نوطلر اعطاسیله
حل اولنه مازدی. ترکیاده صدق و خلوصه و فکر ترقیه مستند بر اصول اداره

تأسيس اولندجه ماكدونيا مسألهسى اوروپا صلح و مسالمتنه دائى بر تهلكه اوله رق قاله جقدى.

«بيليوتهك اونيورسل» ك كذلك آغسترسده منتشر نسخهنه موسيو «ادوار ناليشه» نك تركيا حقنده درج ايلديكي مقالهده بروجه آتى اداره لسان ايدلمشدر: «انكلتره استحصال حریت غيرتنده بولنان بالجله اقوامه اسكيدن برو معين و ظهير اولمش و بودفعه دخى مسلك تاريخيسندن انحراف ايتامشدر. اعصار سالفهده حصوله كلن ترقيايدن هيسنك باشنده انكليز بولندي. انكلتره مستملكتاى امثال ايجنده اك ابي اداره اولنور. انكلتره، مستملكتاى حریت پرورانه بر صورتده ترقى اينديرمك نه كې اسبابه توقف ايدر اولديغى مدر كدر. اسارت حالنده قالان ملترك نائل نجات و خلاص اولمرينه انكلتره ممكن اولديغى مرتبه سعى ايتمشدر. هر نقدر بعضاً، على الخصوص عصر اخيرده، قوت بحريه سنى سوء استعمال ايتمش ايسهده بوقوتى دكزلرده تأسيس عدالت ايتكم وضعفاي اقويانك ظلم و اعتسافه قارشو حمايت و صيانت ايلمك مقصديه حسن استعمال دخى ايتمشدر. آلمانياه كلنجه، مقصودى جمعيت بشريه نك ارتقاسى و يامعناً اعتلاسى دكل. فقط آلمانلر ايجون موضوع و غايه سى اك شديد اداره ظالمانه دن عبارت بولنان قانونلره كافه ايناي بشرى تابع قيلمقدر. آلمانيا عموم كنديسى ايجون، شان و شرفى، قدرت و نفوذى، هر درلو منافى و بالخصوص سامان و ثروت ايجون چاليشملىرى ملتردن طلب ايدسيور. آلمانيا سنه لرجه مظهر اقبال عظيم اولدى؛ آنجق سعد و اقبال مصيبتدن كران بريك اولديغى هنوز اوكرنمى. آمال جهانگيرانه سنده ذاتى، حاكميتى ايجون مهلك تخمىلر واردر. بو امللر افكار عيسويه مخالفدر، اساس اخلاقيه دن معرادر، باشدن باشه ماديدر. مع هذا نابوليون اوروپانك دكيشمىنى ايجاب ايلديكي كې آلمانيا دخى ملك متعددملك نوم مستغرقدن اويانمىسنه و بر آتى مسعوده متوجهاً حركت ايتمىسنه بلانيت معاونت ايلمشدر. شرقرده تطبيق ايتكم استديكى جسيم تحكم پلانندن دخى عىنى نيجه چيغه جق كې كورونيور».

ابن الضيا